

АМТН БААДГ ГЕРМУД ТОСХЛГЪНА ГУРВН ДЖИЛӘ ЗУРА

Шидрхи болсн КПСС-н Элст балгъсна комитетин болн балгъсна кўч-кўлсчирин депутатрин Советин кўцагч комитетин хамдан кесн заседань 1958-1960 джилмўдт Элст балгъснд, амтн баадг гермўдин тосхлт делгрўллгънә болн терўг кўцәлгънә зуран туск шиидвр авб.

1957 джилин 11 сард мана таньгъчин хотд—Элстд 10.000 квадратн метр бәарн тосхгддж гидж шиидврт темдглгджәнә. Эврән бийдән гер бәргч улс—648 гер тосхдж, теднәс 262 гер колхозмудар болн совхозмудар тосхгддж. Эврәнн газрун нўудж ирчхәсн хальмг ьрк-бўлмўдиг ўвләс урд пәтрмўдәр тетклгънд, тер бәргдсн гермўд ик туста болв.

Болвчи мана балгъснд, амтн баадг гермўдин тосхлт ьрг-

нәр делгрлт авад уга. Горторг (ўр Бютцинов), Хальмг таньгъчин потребсоюз (ўр Сидоренко), автотранспортн контор (ўр Чернов) болн артель „1 Мая“ (ўр Четвертков) гермўд бәрлгъиг ик хашнъгар кеджәцхәнә. Тосхлтин 2-ч номертәуправлень (ўр Сергеев) болн тосхлтин 5-ч н о м е р т ә участк (ўр Протопопов) бас эврәннъ зурасан кўцәлгъиг теткджәцхәхш. Тосхлтин организацсин кўдлмштнъ зьвәр тату-тартг бәәнә, нег ўлў кўдлмш бўрдәлгънд болн тосхлтин техник олзлгънд, тер учрар кўч-кўлснә ашнъ одачн багъ. 1957 джил балгъсна коммунальн эдл-ахуд ьггдсн мөнъгн кўцдән олзлгдсн уга, тосхлт кехд госбанкар дāvрўлдж ьггдх ссуд болхла зуг 66,6 процентд олзлгддж.

Амтн баадг гермўд тосхлгъна зурас муугъар кўцәгдлгън, партийн болн профсоюзн организацсин таслвр уга гардвр болн шўудж-хәләлгън тату болсна уршг болджана.

КПСС-н балгъсна комитет болн балгъсна кўч-кўлсчирин депутатрин Советин кўцагч комитет, КПСС-н крайкомин болн крайисполкомин токтаврас иштәгъяр, амтн баадг гермўд тосхлгъна государственн зуран кирцәнә, 1958-1960 джилмўдт 62 минъгън квадратн метр бәарн болхмн гидж хәләцхәв. Эн тоогъас 1958 джил—15 минъгън квадратн метр, 1959 джил—20 минъгън квадратн метр, 1960 джил—27 минъгън квадратн метр бәарн олзлгънд орулгдхмн. Горьковск кўдлмшч-рин дамшлтиг ьргнәр тосхлтд олзлдж, амтн баадг гермўд бәрлгъиг цехсин, предприятиясин, учрежденьсин кўдлмшч-рин болн цергләч-рин дөнъ-гтәгъяр, 3 джилин эргцд ут

тоодан 6,5 минъгън квадратн метр бәарта гермўд бәрхмн гидж партийн, профсоюзн, хозяйственн болн комсомольск организацст заагдв.

Балгъсна коммунальн фондин, амтн баадг гермўдин тосхлтла зерглдўлдж, кўдлмшч-нр, цергләч-нр болн колхозникуд государственн ссуд болн эврәннъ хоршасн мөнъ-гән олзлдж, бийстән эврән гермўд бәрлгъиг делгрўлхмн. Тиим улст тасрлтан уга дөнъ кўргджәх кергтә. 1958-1960 джилмўдт балгъснд, балгъсн шидрк поселкст, МТС-т, мехлесхозд болн совхозмудт 1250 эврә гермўд тосхгдхнъ хәлә-гдджәнә.

Тосхлтиг шунмгъагъяр уралан йовулхин тōлә балгъсна промкомбинатд болн „1 Мая“ артельд 1.200 минъгън шавр кирпич болн тоосх белдтхә, дакад бийдән гер бәрджәх улсиг кергтә тоотарнъ теткхин тōлә, балгъсна промкомбинатд терз, ўуд болн нань чигн тоо-

тиг кедг цех гаргътха гидж даалгъвр ьггдв.

Амтн баадг гермўдин тосхлтин зура кўцәлгън, балгъсна кўч-кўлсчирт сән культу-рн-быговой бәадл белдлгън, партийн, советск, профсоюзн, эдл-ахун болн комсомольск организацсин эрки тьрмўдин негнъ болджана.

Кўч-кўлснә ашинъ, тосхлтин чинринъ ьбдлўлхин тōлә, тосхлтин ўнинъ килврдўлхин тōлә партийн болн профсоюзн организацс, тосхачнр дунд соцдьрлдә ьргәр делгрўлдж, зурас кўцәгллгънә йовудинъ таслвр угагъяр шўудж-хәлә-джәцхәх зьвтә.

ВЛКСМ-н балгъсна комитет багъчуд дунд политическ сургъмджин кўдлмш ясулдж, тосхлтд комсомольск-багъчудин бригадс бўрдәдж, багъчудиг балгъсна тосхлтд олар орлцулджәх зьвтә.

И. МАСЛОВ.
КПСС-н балгъсна комитетин
инструктор.